

Jahresbericht Mädchenriege Birmensdorf - 2025

Au ih dem Jahr simmer wider mit em üebe und de interne Uusscheidig für de Hallewinterwettkampf gstartet.

Im März händ sich denn die 15 beste Meitli am Hallenwinterwettkampffinale in Hedige dörfe go mässe. Da häts au die eint oder ander Uuszeichnig oder Medaille geh.

Schlag uf Schlag gahts wiiter und mer üebed fliisig für de Jugendsporttag im Mai. Ob im Springseile, bim Wiitsprung oder uf de Bodebahn, all Meitli gäbed ihres Beste zum am Wettkampf ih ihrne vier usgwählte Diszipline parat z sii.

Mitti Mai händ denn alli ihres Chöne in Buchs dörfe zeige. Mit zwei Podestplätz und 14 Uuszeichnuge simmer natürlich sehr zfride gsi. Nacheme lange und ahsträngende Tag sind all wider heil zrug uf Birmi cho. Und wider zrug im Training händ sich all uf die wohlverdient Spielstund nach de ville Wettkampftrainings gfreut. Bis zu de Summerferie hämmer denn d Trainings eh chli freier chönä gsalte und händ vor de Ferie mit em traditionelle Brötle en schöne Abschluss gha.

Grad nach de Summerferie staht denn scho s üebe für de Schnällscht Säuliamtler in Affoltere am Albis uf em Programm. Bi de grosse Frag wer isch s schällschte Meitli hämmer au chli chöne mitrede, es sind nänmli acht im Finale gstande, vo dene händ zwei en Podestplatz erreicht. Zwüsched em ränne händ natürlich au d Spiili nöd dörfe z churz cho.

Will keis Chränzli vor de Tür staht, hämmer Ziiit gha zum chli anderi Sache ih de Halle uusprobiere. Und sind denn im November no am Wallisellerlauf gstartet. Wie fasch jedes Jahr isch s Wetter nöd wüki ahmächelig gsii. D Motivation vo de Meitli hät dah aber nöd drunder glitte. All händ ihri zwei Kilometer in Ahgriff gnoh und mit Bravour gmeisteret.

Und so isch scho wider es Meitliriige Jahr zänd gangä. Ich freu mich uf es wiiters spanned und lässigs Jahr mit eu, mis letschte Jahr als Hauptleiterin. Ich danke ah dere Stell allne Leiterinnen wo mich tatchräftig understützed. Ohni eu wär das alles nöd möglich.

Eui Hauptleiterin

Melanie Bochud